



UNIVERSITÄTS-
BIBLIOTHEK
PADERBORN

Nucleus Juris Canonici

Thenhaven, Bernhard

Coloniæ Agrippinæ, 1739

XXII. De Collusione detegenda. D. 4.

[urn:nbn:de:hbz:466:1-63382](https://nbn-resolving.org/urn:nbn:de:hbz:466:1-63382)

DE CRIMINE FALSI, DE SORTILEGIIS, &c. 585
ipsis usuras ob mutuatam pecuniam sol-
vant, non obstante quavis consuetudine,
quæ potius est corruptela, cum sit contra
Jus naturale & Divinum.

TITULUS XX. XXI. & XXII.

*De Crimine Falsi; de Sortilegiis; & de
Collusione detegenda.*

I. CRIMEN FALSI est perversio veritatis
cum dolo & alterius jactura seu
damno; de quo vide *Nucl. Theol. Exam. 9.*
n. 4. & Exam. 15. n. 4. §. 9. potestque com-
mitti vel *Dicto*, v. g. si testis in Judicio vel
falsum dicat, vel veritatem occultet; aut
Scripto, v. g. si quis scienter & dolo malo
falsum instrumentum in sui vel alterius
gratiam & alterius præjudicium conficiat;
falsificet Literas Apost. quarum falsarii
specialibus pœnis subjiciuntur; aut *Facto*,
v. g. qui alicui alienum partum supponunt;
pondera & mensuras rei corrumpunt, vel
merces adulterant; limites agrorum do-
losè mutant; falsarii monetæ &c. aut *Usu*,
v. g. qui dolosè in alterius præjudicium
sibi alienum nomen aut alienæ Familiæ
insignia usurpant; adulterinam monetam
colligunt & expendunt &c. Pro qualitate
& quantitate criminis Falsi in Jure Cano-
nico & Civili diversæ pœnæ statuuntur.

II. SORTILEGIUM comprehendit Divinationem, Vanam Observantiam & Magiam superstitiosam, de quibus in *Nucl. Theol. Exam. 17. n. 2. §. 2. 3. & 4.* *Proprie* significat observationem alicujus fortuiti eventus sortium, juxta quem aliqua actio instituitur, occultum cognoscitur, vel futurum prædicitur. Sortes autem sunt vel Divinatoriæ, vel Consultoriæ, vel Divisoriæ, quæ aliquando licitæ, aliquando illicitæ sunt. *Divinatoriæ* sunt, quibus latentis veritatis manifestatio, v. g. occulti furis vel futurorum revelatio petitur, de quibus h. t. c. i. „In Taleis (i. e. sectionibus lignorum) vel in Codicibus etiam „sacris sorte futura non sunt requirenda „vel Divinationes observandæ. N. D. S. Franciscus aliique pii viri ex librorum fortitione futura arguerunt. Item *Josue 7.* per sortes deprehensum est furtum Achan. Et *Jon. 1.* delictum Jonæ &c. Nam &c. ea facta esse ex instinctu Divino sine expressa vel tacita invocatione dæmonis. *Consultoriæ* sunt, quibus consulimus, quid agendum sit, ut fors succedat loco consilii, v. g. de assumendo statu &c. Hæc fortitio si fiat non temerè, (quia aliàs esset Tentatio DEI, de qua in *Nucl. Theol. Exam. 17. n. 3. §. 1.* vel saltem, ut plerumque peccatum veniale curiositatis) sed cum

debita reverentia & precibus ad DEUM
 fufis, urgente neceffitate ad tollendas du-
 bitationes humanâ industriâ & confilio
 difficulter decernendas, per fe illicita non
 eft. Sic *1 Reg. 10.* Saul electus eft Rex. *Act. 1.*
 Matthias electus eft Apoftolus &c. Hodie
 tamen Jure Canonico C. 3. h. t. „Sortis
 „ufus in Electionibus Ecclefiasticis per-
 „petuâ prohibitionem damnatur. Ratio,
 quia electio ad Dignitates & Officia Ec-
 clefiastica debet fieri ex delectu & cum
 ratione; non autem cafui feu certæ for-
 tunæ temerè subjicienda, ne contingat
 promoveri minùs dignum præ digniore.
Diviforia funt, quæ affumuntur ad divi-
 dendas res inter plures, dirimendas lites
 &c. funtque per fe licitæ. Sic *Num. 25.* ter-
 ra Promiffionis forte divifa eft inter Ifraë-
 litas, bona hæreditaria inter plures co-
 hæredes dividi poffunt &c. Item Judi-
 ciales controverfiæ de confenfu partium
 forte dirimi poffunt, juxta illud *Prov. 18.*
Contradictiones comprimit fors. Sic per fe
 etiam licitæ funt fortes in Electionibus ad
 Officia sæcularia, modò non fit pericu-
 lum, ne inidoneis conferantur contra
 Juftitiam Distributivam. Item forte de-
 fignari poffunt periculofæ ftationes in bel-
 lo; periculofæ functiones Sacerdotum
 tempore peftis &c. Usus quoque præ-
 fertim

588 LIBER V. TITUL. XX. XXI. & XXII.
fertim bellicus obtinuit, ut plures Rei
mortis inter se sortem mittere permittan-
tur, quis ex iis supplicium ferre debeat &c.
imò lis super beneficio, saltem simplici,
de consensu collitigantium, accedente
auctoritate Ordinarii collatoris, potest per
fortes (sicut per aliam transactionem &
compositionem, *arg. c. 21. de Præb.*) dirimi,
ita ut ei, cui fors favet, collator illud tunc
Canonicè conferat; secus, si fiat à colliti-
gantibus auctoritate propriâ, tum quia
tale pactum foret simoniacum; tum quia
neuter potest alteri conferre legitimum ti-
tulum beneficii. Ita DD. apud *Schmaltzgr.*
h. t. n. 43.

III. COLLUSIO est latens & fraudulenta
inter actorem & Reum conventio, ut Reus
absolvatur, & Judicium publicum redda-
tur illusorium; cui crimini videtur tantum
locus esse in criminalibus & beneficiis Ec-
clesiasticis; non in Civilibus, quia in his
licita est litigantibus transactio & desertio
litis, cum agatur tantum de privato in-
teresse ipsorum; e contra in Criminalibus
agitur de bono communi exigente, ne de-
licta maneant impunita; & in beneficiis de
bono Ecclesiæ vel præjudicio Collato-
rum. Si Accusator partes Rei tacitè adju-
vat, veras probationes omittendo, inef-
ficaces adducendo, aut falsas Rei ex-
ceptio

ceptiones admittendo, est PRÆVARICATIO; si post litem contestatam ab accusatione criminis prorsus desistat, est TERGIVERSATIO, circa quam C. 1. h. t. decernitur: „Si Accusator & Accusatus inter se fecerint gratiam, non ex charitate, sed ex præmio, culpa sine vindicta nullâ ratione est dimittenda; adeoque uti Jure Civili *L. Sciendum 2. ff. de Prævar.* ita ex Jure Canonico collusoribus non certa, sed arbitraria pœna injungitur, nisi facta sit collusio super beneficiis; nam C. 3. h. t. decernit Pontifex: „Clerici, inter quos super beneficiis collusio facta est, iis app. rem. perpetuò spolientur; quia indignum est & absolum, si fraus & dolus, quem in præjudicium Ordinarii & Collatorum nituntur committere, in eorum non re- dundaret incommodum & jacturam. Causam huic Decretali dederunt Clerici Anglicani, qui ut beneficia redderent quasi hereditaria, arte collusionis sibi litem moveri patiebantur, ut actor probans jus sibi in beneficium competere, per transactionem illud possessori erga annuam pensionem relinqueret, ac post mortem illius jus sibi in illud vendicaret. Cæterum C. 2. & 4. h. t. statuitur: „Si de collusionem constiterit, Judex crimina audita nullo modo indiscussa prætereat, sed ex integro super his

„ in.

590 LIBER V. TITULUS XXIII.
inquirat; non obstante, quòd Reus inter-
veniente collusionem fuerit absolutus per
sententiam; quia cum sit fraudulenter ob-
tenta, ipso jure nulla est. Ita *Gonz. h. t.*

TITULUS XXIII.

De Delictis Puerorum.

Nomine PUERORUM h. t. veniunt, qui
infantiam, i. e. septimum ætatis an-
num egressi (in qua doli capaces non sunt,
adeoque nec pœnæ gravi pro delicto sub-
jacent) annos pubertatis non attigerunt,
in quibus, ut dicitur c. i. h. t., Peccata non
„ita, ut in majoribus punienda videntur.
Quamvis si enormia crimina, v. g. vene-
ficia committant sine spe emendationis,
sintque doli capaces, ut malitia suppleat
ætatem, & annos discretionis attigisse
censeantur, ut si à pubertate non longè ab-
sint, etiam ultimo supplicio affici queant,
ut docet *Pirh. Dec. 167.* Imò Jure Civili
Judex delicta Puberum, sed minorennium,
interdum mitius punire potest, jux-
ta *Reg. 108. ff. de R. J. Ferè in omnibus pœna-
libus Judiciis & ætati & imprudentia suc-
curritur.* Quanquam crimina atrociora
in iis regulariter puniantur pœnâ ordina-
riâ. Verùm C. 2. h. t. prohibet Pontifex:
„Ne ob homicidium vel delictum filii im-
„pu-